

~~T 5213~~ / 09416
T 5214.4 /

22

四

4

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

MAR 14 1932

CHINESE JAPANESE CO. LIBRARY
HARVARD COLLEGE LIBRARY
FROM HARVARD-YENCHING INSTITUTE
MAR 14 1951

唐詩紀事卷第六十七

哈佛大學
哈佛燕京
圖書館
珍藏印

李嶸

李蔚鎮江淮有李嶸者獻詩云雞樹烟含瑞氣凝
鳳池波待玉山澄國人久倚東關望擬築沙堤
到廣陵後果入相

袁皓

皓書師曠廟文云吟篁怨桐天其聲乎鏘石鏗金
天其文乎擊革鳴絲天其暢乎匏土之韻天其

和乎天有至音寄斯八物先生不生斯音鬱鬱
先生既生斯音在律嗚呼先生之耳時可求也
先生之心不可得也大哉樂乎先生之無神乎
愚固狂而不可攄先生之有神乎愚堅誠而乞
其圖先生之耳有神乎化爲天下之耳先生之
心有神乎化爲天下之心古者可以舒於今然
後家家知舜琴

羅隱贈袁侍御詩云風塵慙上品才業愧明時干
里芙蓉幕何由話所思

皓宜春人咸通進士龍紀集賢殿圖書使自稱碧
池處士

僖宗狩蜀皓時爲倉部員外采李晟功烈爲興元
聖功錄徧賜諸將表勵之

皓初登第過岳陽悅妓藥珠以詩寄嚴使君曰得
意東歸過岳陽桂枝身惹藥珠香也知暮雨生
巫峽爭奈朝雲屬楚王萬恨只憑期尅手寸心

唯繫別離腸南亭宴罷笙歌散回首烟波路渺
茫嚴君以妓贈之

皓及第後作云金榜高懸姓字真分明折得一枝
春蓬瀛乍接神仙侶江海迴思耕釣人九萬搏
扶排羽翼十年辛苦涉風塵昇平時節逢公道
不覺龍門是嶮津

歐陽澣

閩川歐陽澣者四門詹之孫也澣娶婦經旬而辭

赴舉久不還家詩云黃菊離家十四年又云離
家已是夢松年又云落日望鄉處何人知客情
自憐十八年之帝鄉未遇知己也亦爲燕詩以
獻主司鄭愚曰翩翩雙燕画堂開送古迎今幾
萬迴長向春秋社前後爲誰歸去爲誰來澣出
入場中僅二十年善和韋中令在閣下澣卽行
卷及門凡十餘載未嘗一面而澣慶弔不虧韋
公雖不言而心念其人中和初公隨駕至蜀命

相時澣寓居漢南公以書令襄帥劉巨容俾澣
計偕巨容得書大喜待以厚禮首薦之撰日遵
路無何一夕心痛而卒巨容因籍澣答書呈於
公公覽之憮然因曰十年不見灼然不錯

徐振

雷塘云九重城闕悲涼盡一聚園林怨恨長花憶
所為猶自笑草知無道更應荒詩名占得風流
在酒興催教運祚亡若問皇天惆悵事只應斜

日照雷塘

古意云擾擾都城曉又昏六街車馬五侯門箕山
渭水空明月可是巢由絕子孫右二詩韋莊取
為又玄集

李濤

李濤長沙人也篇詠甚著如水聲長在耳山色不
離門又埽地樹留影拂床琴有聲又落日長安
道秋槐滿地花皆膾炙人口温飛卿任太學博

士王秋試濤與衛丹張郃等詩賦皆榜於都堂
王貞白

貞白唐末大播詩名御溝為卷首云一派御溝水
綠槐相蔭清此波涵帝澤無處濯塵纓鳥道來
雖險龍池到自平朝宗心本切願向急流傾自
謂冠絕無瑕呈僧貫休休曰甚好只是剩一字
貞白揚袂而去休曰此公思敏書一字於掌中
逡巡貞白迴忻然曰已得一字云此中涵帝澤

休將掌中字示之一同天祐年中內試貞白扎
翰狼籍帝覽拂下玉案有黃門奏此舉人有詩
名御批曰麤通放

貞白寄鄭谷曰五百首新詩緘封寄與誰祗憑夫
子鑿不要俗人知火鼠重收布冰蠶乍吐絲直
須天上手裁作領巾披

僧貫休送貞白重試及第東歸云心苦酬心了東
歸謝所知可憐經試者如折兩三枝雨毒逢花

少山多愛馬遲此行三可羨正值倒戈時

江西解圍

昭宗皇帝頗為寒進開路崔合州凝典貢舉但是子弟無問文章其間屈人不少孤寒中唯程晏黃滔擅場之外如貞白張贛詩題觀文古風皆臻前輩之闡闕者也

貞白字有道

王祝

會昌時有題三鄉者曰余本若耶溪東與同志者

二三紉蘭佩蕙每貪幽閑之境翫花光於松月

之亭竟晝綿宵往往忘倦泊乎初筭至於五換

星霜矣自後不得已從良人西入函關寓居晉

昌里第其居迥絕囂塵花木叢翠東西隣二佛

宮皆上國勝遊之最伺其閑寂因遊覽焉亦不

辜一時之風月也不意良人已矣邈然無依帝

里方春光景東邁涉滄水歷渭川背終南陟太

華經號畧抵陝郊揖嘉祥之清流面女几之蒼

翠凡經過之所皆曩昔讌笑之地銜冤加歎舉
目覓銷雖殘骸尚存而精爽都失假使潘岳復
生無以悼其幽思也遂命筆聊題終不能滌其
懷抱絕筆慟哭而東時會昌壬戌歲仲春十九
日也詩曰昔逐良人西入關良人身歿妾空還
謝娘衛女不相待爲雨爲雲歸舊山和者十人
祝和三鄉詩云女儿几山前嵐氣低佳人留恨此
中題不知雲雨歸何處空使王孫見卽迷

祝字不耀名家子唐末爲給事中巢寇前典常州
旣亂寄江湖甚有時望及詔召經陝時王拱爲
帥凶暴以厚禮降接願居子姪之末祝堅不許
拱怒罷宴命將吏速請離館害於途悉投其家
于黃河時朝廷多故捨而不問祝一子行至襄
州亦無故投井而卒

劉谷

三鄉詩云蘭蕙芬芳見玉姿路傍花笑景遲遲

唐詩紀事 七
瀟湘閣
蘿山下無窮意併在三鄉惜別時

李暹送谷詩云村樓西路雪初晴雲暖沙乾馬足
輕寒澗渡頭芳草色新梅嶺外鷓鴣聲郵亭已
送輕車發山館誰將候火迎落日千峰轉迢遞
知君回首望高城又和谷除夜見寄云灞上家
殊遠爐前酒易醺劉郎亦多恨詩憶故山雲

李昌鄴

三鄉詩云紅粉蕭娘手自題分明幽怨發雲闈不

應更學文君去泣向殘花歸剡溪

王滌

三鄉詩云浣紗遊女出關東舊跡新詞一夢中槐
陌柳亭何限事年年迴首向春風

滌字用霖及景福進士第

李縞

三鄉詩云當時王謝兩風流王子沉淪謝子愁歸
思若隨文字在路傍空爲感千秋

高衢

三鄉詩云南北千山與萬山軒車誰不思鄉關獨
留芳翰悲前跡陌上恐傷桃李顏

張綺

三鄉詩云洛川依舊好風光蓮帳無因見女郎雲
雨散來音信斷此生遺恨寄三鄉

韋冰

三鄉詩云來時歡喜去時哀家國迢迢向越臺待

寫百年幽思盡故宮流水莫相催

冰唐末爲鄆令

薛昭緯

華州榜昭緯寄諸門生詩曰時君過聽委平衡粉
署華燈到晚明開卷固難窺浩汗熱心空欲慕
公平機雲筆舌臨文健沈宋篇章發詠清自笑

觀光

自此闕

昭緯以侍郎掌貢舉試未明求衣賦王贊圖爲榜

據言觀光下云渾
昨日披心爭不媿
群生

首薛保遜大中朝尤肆輕佻侵侮諸叔自起居
舍人貶洗馬而卒昭緯其子也頗有父風嘗任
祠部外郎時李系任小儀王堯任小賓正旦立
仗班退昭緯吟曰左金烏而右玉兔天子旌旂
堯遽請下句昭緯應聲曰上李系而下王堯小
人行綴天復中自臺丞累貶磧州司馬中書舍
人顏堯當制畧曰陵轍諸父代嗣其凶薛存誠
之子廷老廷老之子保遜保遜之子昭緯爲乾

寧禮部侍郎性輕率坐事貶磧州刺史

鄭合敬

合敬及第後宿平康里詩曰春來無處不閑行楚
閨相看別有情好是五更殘酒醒時時聞喚狀

頭聲

楚閨
妓也

合敬乾符三年登上第終諫議大夫

許晝

許晝者睢陽人天復四年大駕東幸駐蹕甘棠晝

唐詩紀事 十
於此及第梁太祖長子大卿者常與晝屬和君
以卿爲奧主隨駕至洛攜同年醉梁祖私第因
折其牡丹主吏馳報梁祖大卿竊知之先遣晝
行遂亡命河北閩人黃遇嘗宰滑州衛南與晝
聲跡不疎光化三年求選京師遇謗晝嘗笞背
矣時內翰吳融侍郎獨狐損皆晝知己一旦晝
造二君子自辨因袒而視之二公掩袂而入晝
遇其年俱落

晝中秋月云應是蟾宮別有情每逢秋半倍澄清
清光不向此中見白髮爭教何處生閑地占將
真可惜幽窓分得始爲明殷勤好長來年桂莫
遣平人道不平

程賀

賀有君山詩時號陳君山詩云曾遊方外見麻姑
說道君山自古無云是崑崙山頂石海風飄落
洞庭湖

崔亞典眉州賀爲廳僕崔見其風味不常問曰爾
讀書乎曰薄涉藝文崔指一物令詠之雅有意
旨因令歸選獎稱於諸公間凡二十五舉及第
時中和二年也入京則館博陵之第亞卒賀服
衰三年

裴鉶

乾符五年鉶以御史大夫爲成都節度副使題石
室詩曰文翁石室有儀形庠序千秋播德聲古

柏尚留今日翠高岷猶藹舊時青人心未肯拋
羶蟻弟子依然學聚螢更歎滄江無限水爭流
祇願到滄溟時高駢爲使時亂矣故鉶詩有願
到滄溟之句有微旨也鉶作傳奇行於世

張孜

懿僖之代有京兆張孜者耽酒如狂與李山甫善
有雪詩云長安大雪天烏雀難相覓其中豪貴
家搗椒泥四壁到處蕤紅爐周迴下羅幕暖手

調金絲蘸甲斟瓊液醉唱玉塵飛困融香汗滴
豈知飢寒人脚手生皴劈

僖宗在蜀孜有傷時之作其間云著牙賣朱紫斷
錢賒舉選帝還京兆府遣人捕之孜易姓越淮
而遯

世傳孜夢李白歌有華山秀作英雄骨黃河瀉出
縱橫才又云夢破青霄春煙霞無去塵若誇郭
璞五色筆江淹却是尋常人

顧雲

雲字垂象池州饒賈之子也風韻詳整與杜荀鶴
殷文圭友善同肄業九華咸通中登第爲高駢
淮南從事師度之亂退居雲川杜門著書宰相
杜某奏雲與盧知猷陸希聲錢翊馮渥司空圖
等分修宣懿德三朝實錄皆一時之選也書成
加虞部外郎乾寧初卒有文號鳳策聯華編稿
昭亭雜筆

唐詩紀事 十三
雲在淮南李昭象以學仙詞寄之云記得初傳九
轉方碧雲峯下祝虛皇丹砂未熟心徒切白日
難留鬢欲蒼無路洞天尋穆滿有時人世羨劉
郎仙人恩重何由報焚盡星壇午夜香蓋招隱
之義也

雲大順中制同羊昭業等十人修史雲至江淮遇
高逢休諫議時劉子長爲僕射其弟崇望復在
中書雲叩逢休希致先容逢休許之久矣雲臨

岐請書授之一函甚草創雲微有感潛啓閱之
凡一幅並不言雲但曰羊昭業等擬將一尺三
寸汗脚踏他燒殘龍尾道懿宗皇帝雖薄德不
任被前件人羅織執大政者亦太悠悠雲歎而
已

雲詠柳云閑花野草總爭新眉皺絲乾獨不勻乞
與東風殘氣力莫教虛度一年春

雲爲虞部郎中高駢淮南從事駢章疏不恭皆雲

之辭也雲著述目爲鳳策聯華雲初下第鄭谷
有詩勉之云鳳策聯華是國華春來偶爲上仙
槎鄉連南渡思菰米淚滴東風避杏花吟聒暮
鶯歸廟院睡消遲日寄僧家一般情緒應相信
門靜莎深樹影斜

李昭象

字化文池州刺史方玄之子父卒因家焉懿宗末
年以文干相國路公巖問其年曰十有七矣巖

年尚少尤器重之薦於朝將召試會巖貶遂還
秋浦移居九華與張喬顧雲輩爲方外友龍紀
中楊行密奔宣州以書招之不從

題顧正字谿居云高敞吟軒近釣灣塵中來似出
人間若教明月休生桂應得危時共掩關春酒
夜棊難放客短籬疎竹不遮山莫跨恬淡勝榮
祿雁引行高未許閑寄獻山中顧公員外云抽
却朝簪着釣簑近來聲迹轉巍峩祥麟避網雖

山野丹鳳銜書卽薜蘿乍隱文章情更逸久閑
經濟術翻多深慙未副吹噓力竟困風埃爭奈
何

山中寄崔諫議云半生猿鳥共山居吟月吟風兩
鬢踈新句未嘗忘教化上才爭忍不吹噓全家
欲去干戈後大國中興禮樂初從此升騰休說
命祗希公道數封書喜杜荀鶴及第二云深巖貧
復病榜到見君名貧病渾如失山川頓覺清一

春新酒興四海舊詩聲日使能吟者西來步步
輕

赴舉出山留寄山居鄭叅軍云還如費冠卿向此
振高名肯羨魚鬚美長誇鶴氅輕理琴寒指倦
試藥黑髭生時泰難雲卧隨看急詔行

唐詩紀事卷第六十七

唐詩紀事卷第六十八

湯文圭

本殷
文圭

文圭池州人居九華小字桂郎苦學所用墨池底
爲之穴舉進士中途遇一叟鬚白眉綠拳文入
口神仙狀也曰如學道當冲虛爲儒當大有名
於天下唐末詞場請託公行文圭與游恭獨步
場屋乾寧中帝幸三峰文圭攜梁王表薦及第
仍列榜中尋爲裴樞宣諭判官至大梁朱全忠

唐詩集
表薦之既而由汴宋馳歸全忠大怒遣吏捕之
不及矣自是屢言措大率皆負心每以文圭爲
證白馬之禍蓋自此也文圭事楊行密終左千
牛衛將軍子崇義自江南歸朝改姓湯名悅
九華賀雨吟云陶公焦思念生靈變旱爲豐合杳
冥雷劈老松疑虎怒雨衝陰洞覺龍腥萬畦香
稻蓬蔥綠九朶竒峯撲亞青吟賀西成饒旅興
散絲飛灑滿長亭

贈池州張太守云神珠無類玉無瑕七葉簪貂漢
相家陣面奔星破犀象筆頭飛電躍龍蛇絳帷
夜坐窮三史紅旆春行到九華只怕他人留不
住別遷征鎮擁高牙

和友人送衡尚書赴池陽副車云淮王上將例分
憂玉帳叅承半列侯次第選材如創厦別離排
宴向藏舟鷗鵬變化知難測龍蠖升沉各有由

躑躅行牽金鉞

亡犯切
馬首飾

重嬋娟立唱翠蛾愁築

頭勳業諧三陣滿腹詩書窵九流金海珠韜乘
月讀肉芝芽茗撥雲收赤麟旆卷鷗汀晚青雀
船橫雁陣秋十字細波澄鏡面九華殘雪露峯
頭醉沉北海千樽酒吟上南荆百尺樓況是昭
明食魚郡不妨閑擲釣璜鈎

文圭賀池陽太守
正命云泉口聲光

誇漢將築頭
勳業佐淮王

中秋自宛陵寄池陽太守云出山三見月如眉蝶
夢終宵遠戟枝旅客思歸鴻去日賢侯行化子

來時郡樓遐想劉琨嘯相閣方窺謝傳碁按部
況聞秋稼熟馬前迎拜羨并兒

次韻九華杜先輩重陽寄投宛陵丞相云日下飛
聲徹不毛酒醒時得廣離騷先生鬢爲吟詩白
上相心因治國勞千乘信迴魚榼重九華秋迥
鳳巢高強酬小謝重陽句沙恨無金盡日淘

寄賀杜荀鶴及第云一戰平疇五字勞晝歸鄉去
錦爲袍大鵬出海翎猶濕駿馬辭天氣正豪九

子舊山增秀絕二南新格變風騷由來稽古符
公道平地丹梯甲乙高

文圭杜荀鶴楊夔康輶夏侯淑王希羽等皆爲淮
南將田頔上客文圭有美名不應朱全忠錢鏐
之辟頔置田宅迎其母以甥事之故文圭爲盡
力夔知頔不足亢楊行密著溺賦以戒頔不用
果敗文圭爲薦於全忠復擬飾非投啓於公卿
畧曰於菟獵食非求尺璧之珍鷄鷓避風不望

洪鐘之樂旣登第卽南歸俄爲多言者所發全
忠捕之則不及矣

或云文圭應舉嘗經大澤中驟雨震電衆駭躡獨
安詳如不聞雨定傍人見其兩耳中鬼神以泥
封之後爲內翰草司空李德誠麻潤毫久不至
爲詩督之云紫殿西頭月欲斜曾草臨淮上相
麻潤筆已曾經奏謝更將章句問張華時論少
之

唐彥謙

唐儉裔孫憲宗時終中書舍人次子持持子彥謙
字茂業歷慈澧絳三州刺史自號鹿門先生陶
穀之祖也穀避晉祖諱改姓陶後遂不易識者
非之

中秋翫月云一夜高樓萬景竒碧天無際水無涯
只留皎月當層漢並送浮雲出四維霧靜不容
玄豹隱水生惟恐夏蟲疑坐來離思憂將曉爭

得嫦娥子細知

上巳日寄韓公云上巳接寒食鶯花寥落晨微微
潑火雨草草踏青人涼似三秋景清無九陌塵
與余同病者對此合傷神

七夕云露白風清夜向晨小星垂佩且埋輪絳河
浪淺休相隔滄海波深尚作塵天外鳳皇何寂
寞世間烏鵲謾辛勤猗蘭殿北斜樓上多少通
宵不寐人

唐詩紀事 五
八月十六日夜月云斷腸佳賞固難期昨夜消魂
更不疑丹桂影空蟬有露綠槐陰在鵲無枝懶
將吟詠聊惆悵早是踈頑耐別離堪恨賈生曾
慟哭不緣清景爲憂時

過長陵詩云耳聞英主提三尺眼見愚民盜一抔
千古腐儒騎瘦馬灞陵斜日重回頭

題蒲津河亭云烟橫博望乘槎水月上文王避雨
陵最善用事

詠柳云惹絆風光別有情世間誰敢鬪輕盈楚王
江畔無端種餓損宮腰學不成

彥謙學義山爲詩

裴澈

澈登咸通進士第後爲相初左拾遺孟昌圖在蜀
上疏極諫僖宗田令攷惡之沉之墓願江澈以
詩弔曰一章何罪死何名投水惟君與屈平從
此蜀江烟月夜杜鵑應作兩般聲

盧攜

嘗題司空圖壁云姓氏司空貴官班御史卑老夫
如且在不用嘆屯奇

攜字子升乾符中爲相巢寇表求天平節度不與
欲倚高駢立功巢遂入關攜仰藥死

韋莊

立春云青帝東來日馭遲暖烟輕逐曉風吹蜀袍
公子樽前覺錦帳佳人夢裏知雪圃乍開紅菜

甲綵幡新展綠楊枝殷勤欲獻宜春曲題向花
牋帖繡楣

長安清明云早是傷春夢雨天可堪芳草更芊芊
內官初賜清明火上相閑分白打錢紫陌亂嘶
紅叱撥綠楊高映畫鞦韆遊人記得承平事暗
喜風光似昔年

感懷詩云長安方悟少年非人道新詩勝舊詩十
畝野塘留客釣一軒春雨對僧碁花間醉任黃

唐詩紀事 七
鶯語亭上吟從白鷺窺大道不將爐冶去有心
重築太平基或謂此詩包括生成果爲台輔
莊應舉時遇巢寇犯關著秦婦吟云內庫燒爲錦
繡灰天街踏盡公卿骨公卿多垂訝莊乃諱之
時號秦婦吟又有帝子夢寬烟水濶謝公詩思
碧雲低最爲警策至若閑卧詩云誰知閑卧意
非病亦非眠又手從彫扇落頭任漉巾偏識者
知其不祥後誦子美詩白沙翠竹江村暮相送

柴門月色新吟諷不輟是歲卒於花林坊塋於

白沙

莊字端已杜陵人見素之後曾祖少微宣宗中書
舍人莊疎曠不拘小節李詢爲兩川宣諭和協
使辟爲判官以中原多故潛欲依王建建辟爲
掌書記尋召爲起居舍人建表留之後相建爲
僞平章事

莊爲王建管記時一縣宰乘時擾民莊爲建草牒

唐詩紀事 八十八
云正當凋瘵之秋好安凋瘵勿使瘡痍之後復
作瘡痍時以爲口實

莊集詩人一百五十人得詩三百章爲又玄集序
云此蓋詩中鼓吹名下笙簧擊鳧氏之鍾霜清
日觀淬雷公之劍影動星津雲間分合璧之光
海上運摩天之翅奪造化而雲雷噴湧役鬼神
而風雨奔馳但忍其食馬留肝徒云染指豈慮
其烹魚去乙或致傷鱗

吳融

壬戌闕鄉卜居云六載抽毫侍禁闈不堪衰病決

然歸五陵年少如相問阿對泉頭一布衣

阿對是楊

伯起家僮嘗引泉
灌蔬至今尚在

華清宮云中原無鹿海無波鳳輦鑾旂出幸多今
日故宮歸寂寞太平功業在山河又云四郊飛
雪暗雲端唯此宮中落旋乾綠樹碧簷相掩映
無人知道外邊寒又云漁陽烽火照函關玉輦

月言集卷九
九十八
江古閣
怒怒下此山一曲羽衣聽不盡至今遺恨水潺
潺

關東獻劉員外云昨夜星辰動仙郎近漢關玳筵
吟雪罷錦帳押春還已到青雲上應棲絳圃間
臨邛有辭賦一爲奏天顏

融字子華越州人昭宗時爲翰林學士卒于官

李巨川爲華帥韓建掌書記昭宗至華清宮賜建
御容一軸時巨川草謝表以示融集中有形雲

似蓋以長隨紫氣臨關而不度融吟詠不已因
草篇與巨川對壘畧曰霧開五里容諧披覩之
心掌拔一峰兼助捧持之力松江晚泊云樹遠
天疑盡江奔地欲隨孤帆落何處殘日更新離
客是淒涼本情爲繫滯枝寸腸無計免應只楚
猿知

紅樹云一聲南鴈已先紅槭槭淒淒葉葉同自是
孤根非煖地莫驚他木耐秋風曉烟散去陰全

薄明月臨來影半空長憶洞庭千萬樹照山橫
浦夕陽中

公乘億

高湜咸通末爲禮部侍郎士多繇權要干請湜曰
吾決以至公取之得譴固吾分乃取億許棠聶
夷中皆有文名

億字壽仙魏人與李山甫皆爲魏博樂彥禎幕府
羅隱寄書於易定公乘億云謝舞仍宮柳高竒世

少雙侍中生不到園令死須降班秩通烏府罇
罍奉碧幢昭王有餘烈試爲禱迷邦

億郎官上應列宿詩云北極佇文昌南宮曉拜郎
紫泥乘帝澤銀印佩天光緯結三台側鈎連四
輔傍佐商依傳說仕漢笑馮唐委佩搖秋色
冠戴曉霜自然符列象千古耀巖廊

秋菊有佳色云陶令籬邊菊秋來色轉佳翠攢千
片葉金剪一枝花藥逐蜂鬚亂英隨蝶翅斜帶

香飄綠綺和酒上烏紗散漫搖霜彩嬌妍滿日
華芳菲彭澤見更稱在誰家

臨江遲來客云江上晚沉沉烟波一望深向來殊
未至何處擬相尋柳結重重眼萍翻寸寸心暮
山期共眺寒渚待同臨北去魚無信南飛鴈絕
音思君不可見使我獨謠吟

億以詞賦著名咸通十三年別家十餘年矣嘗大
病鄉人傳已死其妻自河北迎喪會億送客馬

上見婦人麤纒類其妻也睥睨不已妻亦如之
詰之則是也相持而哭路人異之後旬日登第
億嘗有詩云十上十年皆落第一家一半已成
塵可知其屈矣

羅鄴

費拾遺書堂云滿袖歸來天桂香紫泥重降舊書
堂自憐韋帶同巢許不駕蒲輪佐禹湯恠石盡
涵千古秀竒花多吐四時芳何人更肯追高躅

惟有樵童戲薜床

雲詩云紛紛靄靄遍江湖得露爲霖豈合無莫使
悠颺秣如此帝鄉還更暖蒼梧

歲仗云玉帛朝天萬國來雞人唱曉五門開春頒
北極迎仙仗日捧南山入壽杯歌舜薰風鏘玉
佩祝堯嘉氣靄樓臺可憐四海車書混重見蕭
曹佐漢才

牡丹云落盡春紅始見花花時比屋事豪奢買栽

池館恐無地看到子孫能幾家門倚長衢攢繡
輓幄籠輕日護香霞歌鍾到此爭懽賞豈信流
年鬢有華

賞春云芳草和烟暖更青閑門要路一時生年年
點檢人間事唯有春風不世情

公子行云雕鞍玉勒照花明過後香風特地生半
醉五侯門裏出月高猶在禁街行

鄴餘杭人父爲鹽鐵小吏有二子俱以文學干進

鄴尤長七言詩時宗人隱亦以律韻著稱然隱
才雄而踈鄴才清而緻咸通中崔安潛侍郎廉
問江西志在弓旌竟爲幕吏所沮旣而俯就督
郵因茲舉事無成而卒

羅哀

清明登奉先城樓云年來年去只艱危春半堯山
草尚衰四海清平耆舊見五陵寒食小春悲烟
銷井邑隈樓檻雪滿川原泥酒卮拭盡賈生無
限淚一行歸鴈遠參差

清明赤水寺居云榆火輕烟處處新旋從閑望到
諸隣浮生浮世祗多事野水野花娛病身濁酒
不禁雲外景碧峰猶冷寺前春蓑衣毳衲誠吾
黨自結村園一社貧

羅隱梁開平中召拜夕郎不起哀以小天倅大秋
姚公使兩浙以詩贈隱曰平日時風好涕流讒
書雖盛一名休寰區歎屈瞻天問夷貊聞詩過

海求向夕便思青瑣拜近年尋伴赤松遊何當
世祖從人望早以公台命卓侯隱答曰崑崙水
色九般流飲卽神仙憇卽休敢恨守株曾失意
始知緣木更難求鶴原謾欲均餘力鶴髮那堪
問舊遊遙望北辰當上國羨君歸棹五諸侯

昭宗誅韓全誨等袞時爲左拾遺上言劉蕡當太
和時宦官始熾因直言策請奪爵土復埽除之
役遂罹譴逐死異土六十餘年正人端士切齒

飲泣使蕡策蚤用則杜漸防萌逆節可消帝感
悟贈蕡左諫議大夫

唐詩紀事卷第六十八

唐詩紀事卷第六十九

羅虬

比紅兒詩并序云比紅者爲雕陰官妓杜紅兒作也美貌年少機智慧悟不與群輩妓女等余知紅者廼擇古之美色灼然于史傳三數十輩優劣於章句間遂題比紅詩

姓氏看侵尺五天芳菲占斷百花鮮馬嵬好笑當時事虛賺明皇幸蜀川

金谷園中花正繁
陸樓從道感深恩
齊奴恰是來

東市不為紅兒死
更冤

石崇生青州
故小名齊奴

陷却平陽為小憐
周師百萬戰長川
更教乞與紅

兒貌舉國山川不值錢

小憐北齊後
主馮淑妃名

一曲都緣張麗華
六宮齊唱後庭花
若教比並紅

兒貌枉破當時國
與家

樂營門外柳如陰
中有佳人畫閣深
若是五陵公

子見買時應不啻
千金

青絲高綰石榴裙
腸斷當筵酒半醺
置向漢宮圖

畫裏入胡應不數
昭君

斜凭欄干醉態新
歛眸微眄不勝春
當時若遇東

昏主金葉蓮花是
此人

匝匝千山與萬山
碧桃花下景長閑
神仙得似紅

兒貌應免劉郎憶
世間

越山重疊越溪斜
西子休憐解浣紗
得似紅兒今

日貌肯教將去與
夫差

唐詩紀事 二
詔下人間覓好花月眉雲髻選人家紅兒若向當時見繫臂先封第一紗

鋒鏑縱橫不敢看淚垂玉筋正沈瀾應緣近似紅兒貌始得深宮奉五官

金縷濃薰百和香臉紅眉黛入時粧當時便向喬

家見未敢將心在窈娘

喬知之故事

通宵甲帳散香塵漢帝精神禮百神若見紅兒醉中態也應休憶李夫人

拔得芙蓉出水新魏家公子信才人若教瞥見紅

兒貌不肯留情賦洛神

芳姿不合並常人雲在遙天玉在塵因事愛思荀奉倩一生閑坐枉傷神

筆底如風思湧泉賦中休謾說嬋娟紅兒若在東家住不得登牆爾許年

一抹濃紅傍臉斜粧成不語獨攀花當時若是逢韓壽未必埋蹤在賈家

唐詩紀事 三
樹裊西風日半沈地無人跡轉傷心阿嬌得似紅
兒貌不費長門買賦金

五雲高捧紫金堂花下投壺侍玉皇從到世人都
不識也應知有杜蘭香

戲水源頭指舊蹤當時一笑也難逢紅兒若爲廻
桃臉豈比連催舉五烽

彌國夫人照夜璣若爲求得與紅兒醉和香態濃
春睡一樹繁花偃繡幃

知有持盈玉葉冠剪雲裁月照人寒若使紅兒風
帽戴直似瑤池會上看

明媚何曾讓玉環破瓜年幾百花顏若教貌向南
朝見定却梅粧似等閒

世事悠悠未足稱肯將閑事更爭能自從命向紅
兒去不欲留心在裂繒

自隱新從夢裏來嶺雲微步下陽臺含情一向春
風笑羞殺凡花盡不開

唐詩紀事 四
沈古閣
捨却青娥換玉鞍古來公子苦無端莫言一匹追
風馬天驥牽來也不看

檻外花低瑞露濃夢魂驚覺暈春容憑君細看紅
兒貌最稱嚴粧待曉鐘

薄羅輕剪越溪紋鴟翅低從兩鬢分料得相如偷
見面不應琴裏挑文君

南國東隣各一時後來惟有杜紅兒若教楚國宮
人見羞把腰身並柳枝

照耀金釵簇膩髮見時直向畫屏間黃姑阿母能
判剖十斛明珠也是閑

輕小休誇似燕身生來占斷紫宮春漢皇若遇紅
兒貌掌上無因著別人

鸚鵡娥如裊露紅鏡前眉樣自深宮稍教得似紅
兒貌不嫁南朝沈侍中

擬將心地學安禪爭奈紅兒笑靨圓何物把來堪
比並野塘初綻一枝蓮

浸草漂花透檻香最憐穿度樂營墻殷勤留滯綠
何事曾照紅兒一面粧

雕陰舊俗騁嬋娟有箇紅兒賽洛川常笑世人語
虛誕今朝自見火中蓮

渡口諸儂樂未休竟陵西望路悠悠石城有箇紅
兒貌兩槩無因迎莫愁

誰向深山識大仙勸人山上引春泉定知不及紅

兒貌枉却工夫漑玉田

搜神記楊
雍伯故事

傾國傾城總絕倫紅兒花下認真身十年東北看

燕趙眼冷何曾見一人

今時自是不諳知前代由來豈見遺一笑陽城人
便惑何堪教見杜紅兒

京口喧喧百萬人競傳何鼓謝星津奈花似雪簪
雲髻今日天容是後身

青史書時未是真可能纖手却強秦再三爲謝齊
皇后要解連環別與人

繡帳鴛鴦對刺紋博山微暖麝微熏詩成若有紅
兒貌悔道當時月墜雲

粧成渾欲認前朝金鳳雙釵逐步搖未必慕容宮
裏伴舞風歌月勝纖腰

琥珀釵成恩正深玉兒妖惑蕩君心莫教回首看
粧面始覺曾虛擲萬金

自有閑花一面春臉檀眉黛一時新殷勤爲報梁
家婦休把啼粧賺後人

輕梳小髻號慵來巧中君心不用媒可得紅兒拋
醉眼漢皇恩澤一時廻

千里長江旦暮潮吳都風俗尚纖腰周郎若見紅
兒貌料得無心念小喬

月落潛奔暗解携本心誰道獨單棲還緣交甫非
良偶不肯終身作弄妻

漢皇曾識許飛瓊寫向人間作畫屏昨日紅兒花
下見大都相似更娉婷

唐詩紀事 七
魏帝休誇薛夜來霧綃雲縠稱身裁紅兒秀發君
知否倚檻繁花帶露開

曉月雕梁燕語頻見花難可比他人年年媚景臨
何處長作紅兒面上春

逗玉濺盆冬殿開邀恩先賜夜明苔紅兒若是三
千數多少芳心似死灰

畫簾垂地紫金床暗引羊車駐七香若見紅兒此
中住不勞塩篠灑宮廊

蘇小空勻一面粧便留名字在錢塘藏鴉門外諸
年少不識紅兒未是狂

一首長歌萬恨來惹愁漂泊水難迴崔徽有底多
頭面費得微之爾許才

昔年黃閣識竒章愛說真珠似窈娘若見紅兒深
夜態便應休說繡衣裳

鳳拆鶯離恨轉深此生難負百年心紅兒若向隋
朝見破鏡無因更重尋

行綰穠雲立暗軒我來猶愛不成冤當時若見紅
兒貌未必邢相有此言

總似紅兒媚態新莫論千度笑爭春任伊孫武心
如鐵不辨軍前殺此人

暖塘爭赴盪舟期行唱菱歌著豔詞爲問東山謝
丞相可能諸妓勝紅兒

吳興皇后欲辭家澤國重臺展曙霞今日紅兒貌
傾國恐須真宰別開花

陌上行人歌黍離三千門客欲何之若教麤及紅
兒貌爭敢樓前斬愛姬

休話如臯一笑時金髻中臆錦離披陋容枉把雕
弓射射盡春禽未展眉

長恨西風送早秋低眉深恨嫁牽牛若同人世長
相對爭作夫妻得到頭

謝娘休漫逞風姿未必娉婷勝柳枝聞道只應嘲
落絮何曾得似杜紅兒

月言綺事
九
總傳桃葉渡江時只爲王家一首詩今日紅兒自
堪賦不須重唱舊來詞

巫山洛浦本無情總爲佳人便得名今日雕陰有
神艷後來公子莫相輕

幾拋雲髻恨金墉淚洗花顏百戰中應有紅兒些
子貌却言皇后長深宮

倚檻還應有所思半開東閣見嬌姿可中得似紅
兒貌若遇韓朋好殺伊

曉向粧臺與畫眉鏡中長欲助嬌姿若教得似紅
兒貌走馬章臺任道遲

練得霜華助翠鈿相期朝謁玉皇前依稀似紅
兒貌方得吹簫引上天

重門深掩幾枝花未勝紅兒莫大誇王相不能探
物理可能虛上短轅車

前代休憐事可竒後來還出有光輝爭知畫卧紗
窓裏不見神人覆玉衣

唐詩紀事 十六
化羽嘗聞赴九天只疑塵世是虛傳自從一見紅
兒貌始信人間有謫仙

從道長陵小市東巧將花貌占春風紅兒若是同
時見未必伊先入紫宮

人間難免是深情命斷紅兒向此生不似前時李
丞相枉拋才力爲鶯鶯

鳳舞香飄繡幕風暖穿馳道百花中還綠有似紅
兒貌始道迎將入漢宮

休道將軍出世才盡驅諸妓下歌臺都綠沒箇紅
兒貌致使輕教後閣開

馮媛須知住漢宮將身只是解當熊不聞有貌傾
人國爭得今朝更似紅

能將一笑使人迷花艷何須上大堤疎屬便同巫
峽路洛川真是武陵溪

辭輦當時意可知寵深還恐寵先衰若教得似紅
兒貌占却君恩自不疑

唐詩紀事 十一
三吳時俗重風光未見紅兒一面粧好寫妖嬈與
教看便應休更話真娘

波平楚澤浸星辰臺上君王宴早春畢竟章華會
中客冠纓虛絕爲何人

紅兒不向漢宮生便使雙成謾得名疑是麻姑惱
塵世暫教微步下層城

天碧輕紗只六銖宛如含露透肌膚便教漢曲爭
明媚應沒心情更弄珠

共嗟含恨向衡陽方寸花牋寄沈郎不似紅兒些
子貌當時爭得少年狂

淺色桃花亞短墻不因風送也聞香凝情盡日君
知否還似紅兒淡薄粧

火色櫻桃摘得初仙宮只有世間無凝情盡日君
知否真似紅兒口上朱

宿雨初晴春日長入簾花氣靜難忘凝情盡日君
知否真似紅兒舞袖香

初月纖纖映碧池池波不動獨看時凝情盡日君
知否真似紅兒罷舞眉

濃艷濃香雪壓枝裊烟和露曉風吹紅兒被掩粧
成後含笑無人獨立時

樓上嬌歌裊夜霜近來休數踏歌娘紅兒謾唱伊
州遍認取輕敲玉韻長

金粟粧成扼臂環舞腰輕薄瑞雲間紅兒生在開
元末羞殺新豐謝阿蠻

君看紅兒學醉粧誇裁宮額研裙長誰能更把閑
心力比並當時武媚娘

梔子同心裊露垂折來深恐沒人知花前醉客頻
相問不贈紅兒贈阿誰

雲間翡翠一雙飛水上鴛鴦不暫離寫向人間百
般態與君題作比紅詩

舊恨長懷不語中幾回偷泣向春風還緣不及紅
兒貌却得生教入楚宮

一舸春深指鄂君好風從度水成紋越人若見紅
兒面繡被應羞徹夜薰

花落塵中玉墮泥香魂應上窈娘堤欲知此恨無
窮處長倩城烏夜夜啼

虬詞藻富瞻與宗人隱鄴齊名咸通乾符中時號
三羅廣明庚子亂後去隨鄜州李孝恭籍中有
杜紅兒者常爲副戎屬意副戎聘隣道虬請紅
兒歌而贈綵孝恭以副戎所盼不令受之虬怒

拂衣而起詰旦手刃紅兒旣而思之作絕句百
篇以追寃號比紅兒盛行於時

羅隱

字昭諫餘杭人隱池之梅根浦自號江東生爲唐
相鄭畋李蔚所知畋女覽隱詩諷誦不已畋疑
有慕才意隱貌寢陋女一日簾下窺之自此絕
不詠其詩廣明中池守竇滂營墅居之光啓中
錢鏐辟爲從事節度判官副使梁祖以諫議召

不行開平中魏博羅紹威推為叔父表授給事

中年八十餘終餘杭有子
蹇翁

隱亂鄴共場屋謂之三羅

隱與桐廬章魯封齊名錢鏐初起以魯封為表奏

孔目官不就執之後以隱為錢塘令懼而受命

因宴獻口號曰一箇禰衡容不得思量黃祖謾

英雄鏐自是厚禮之僧貫休懷二子詩云二子

依公子雞鳴狗盜徒青雲千里遠白髮一莖無

風滿潮聲惡天空角韻孤別離千萬里何以慰

榮枯

隱謝裴廷韓詩卷云澤國佳人唯粧半面營丘辨

士何用空籠其浮薄如此隱受知於令狐綯卒

無成有詩哭綯云恩深無以報底事是柴荆

鄴都羅紹威學隱為詩自號其文為偷江東集青

州王師範遣使齎禮幣求一篇隱以詩寄之曰

盛業傳家有寶刀況聞餘力更揮毫腰間印綬

黃金貴卷內文章白雪高宴罷佳賓吟鳳藻獵
回諸將問龍韜登壇甲子纔三十猶擬回頭奪
錦標王得詩大喜昭宗欲以甲科處之有大臣
奏曰隱雖有才然多輕易明皇聖德猶橫遭乎
譏謗將相臣僚豈能免乎凌轢帝問譏謗之詞
對曰隱有華清詩曰樓殿層層佳氣多開元時
節好笙歌也知道德勝堯舜爭奈楊妃解笑何
其事遂寢

令狐滄趙公綯之子也登進士隱以詩賀之趙公
謂滄曰吾不喜汝及第喜汝得羅公一篇耳
隱在浙幕沈山松得新榜示隱題其末曰黃土原
邊狡兔肥矢如流電馬如飛灞陵老將無功業
猶憶當時夜獵歸

鍾陵妓雲英隱舊見之一日譏隱猶未第隱嘲之
曰鍾陵醉別十餘春重見雲英掌上身我未成
名君未嫁可能俱是不如人

顧雲依淮南高駢隱譏之夏飲於海風亭雲曰青
蠅被扇扇離席隱遽曰白澤遭釘釘在門

隱老不遇有歸五湖詩云江東日暖花又開江東
行客思悠哉高陽酒徒半凋落終南山色空崔
嵬聖代也知無棄物侯門未必用非才一船明
月一竿竹家住五湖歸去來

進士劉贇贈隱詩云人皆言子屈我獨謂君非明
主旣難謁青山何不歸年虛侵雪鬢塵在汙麻

衣自古逃名者至今名豈微

牡丹云似共東君別有因絳羅高捲不勝春若教
解語應傾國任是無情也動人芍藥與君爲近
侍芙蓉何處避芳塵可憐韓令功成後辜負穠
華過此身

籌筆驛云拋擲南陽爲主憂北征東討盡良籌時
來天地皆同力運去英雄不自由千里山河輕
孺子兩朝冠劍恨譙周惟餘巖下多情水猶解

唐詩紀事 十七
年年傍驛流

魏城逢故人云一年兩度錦江遊前值東風後值
秋芳草有情皆礙馬好雲無處不遮樓山將別
恨和愁斷水帶離聲入夢流今日因君試迴首
澹烟喬木隔綿州

中秋夜不見月云陰雲薄暮上空虛此夕清光已
破除只恐異時開霽後玉輪依舊養蟾蜍

蜂云不論平地與山尖無限風光盡被沾採得百
花成蜜後不知辛苦爲誰甜

杜荀鶴錢塘別隱詩云故國看看遠前程寄在誰
五更吹角候一葉渡江時吾道天寧喪人情日
可疑西陵向西望雙淚爲君垂

鼉江常有二氣亘于江終夜不滅隱及杜建徽生
氣不復見議者以爲文武秀氣

江南李氏嘗遣使聘越越人問見羅給事否使人
曰不識亦不聞名越人云四海聞有羅江東何

拙之甚使人曰爲金榜上無名所以不知

陸宸

宸詩有今秋已約天台月之句或云宸昭宗末舉進士及第六月榜出盛暑同舍戲曰造榜天也觀宸此詩豈幸倉猝苟科第者

唐詩紀事卷第六十九

唐詩紀事卷第七十

許棠

分與仙山背多年負翠微無因隨鹿去只是送人歸頂木晴摩日根嵐曉潤衣會於猿鳥外相對掩高扉棠旅中送人歸九華詩也大抵唐詩多隱槩如曉嶂猿窺戶寒湫鹿舐冰當空吟待月到晚坐看山類恬淡絕物者然非真好也棠字文化宣州涇縣人登咸通十二年進士第有洞

庭詩爲工時號許洞庭初爲涇縣尉鄭谷以詩
送云白頭新作尉縣在故山中高第能卑宦前
賢尚此風蕪湖春蕩漾梅雨晝溟濛佐理人安
後篇章莫廢功

棠洞庭詩有四顧疑無地中流忽有山之句人以
題扇過洞庭云驚波常不定半日鬢堪班四顧
疑無地中流忽有山鳥飛應畏墮帆遠却如閑
漁父時相引行歌浩渺間

張喬

喬池州人有詩名咸通中與許棠俞坦之劇燕任
濤吳宰張蠙周繇鄭谷李棲遠溫憲李昌符謂
之十哲

十哲而
二十人

咸通中京兆府解試月中桂詩喬擅場云與月轉
洪濛扶踈萬古同根非生下土葉不墜秋風每
向圓時足還隨缺處空影高群木外香滿一輪
中未種丹青日應虛白兔宮如何當羽化細得

問神功其年李建州頻王試

時爲京兆府參軍

以許棠

老於場屋以爲首薦未幾巢寇爲亂遂與伍喬之徒隱九華

喬送許棠云離鄉積歲年歸路遠依然夜火山頭市春江樹杪船干戈愁鬢改瘴癘喜家全何處營甘旨潮濤浸薄田

喬與俞坦之受知許下薛尚書能許棠首薦能以詩唁二子曰何事盡參差惜哉吾子詩日令銷

此道天亦負明時有路當重振無門那不知何當見堯日相與啜澆漓

喬遊終南白鶴觀詩云上徹鍊丹峰求玄意未窮古壇青草合往事白雲空仙境日月外帝鄉烟霧中人間足煩暑欲去戀清風

送友人歸宜春云落花兼柳絮無處不紛紛遠道空歸去流鶯獨自聞野橋喧磴水山郭入樓雲故里南陔曲秋期更送君

鄭谷題喬延興門外所居云平生苦節同旦夕會
原東掩卷斜陽裏看山落木中星霜人欲老江
海業全空近日文場裏因君起古風

劇燕

劇燕蒲坂人也工爲雅正詩王重榮鎮河中燕投
贈王曰祗向國門安四海不離鄉井拜三公重
榮甚禮重爲人多縱凌轢諸從事竟爲正平之
禍

任濤

任濤豫章筠川人也詩名早著有露團沙鶴起人
卧釣船流他皆倣此數舉敗於垂成李常侍隲
廉察江西特與放鄉里之役盲俗互有論列隲
判曰江西境內凡爲詩得及濤者卽與放色役
不止一任濤耳

李建州頰王京兆解試時濤與許棠張喬俞坦之
劇燕吳宰張蠙周繇鄭谷李棲遠温憲李昌符

謂之十哲是年試俱以次得之是歲咸通末也

張蠙

詠葦詩云葦叢寒水邊曾折釣罾船咸喜亭臺近
翻嫌島嶼偏花明無月夜聲急正秋天遙憶巴
陵渡殘陽一望烟

送友人赴涇州幕云杏園沈飲散榮別就佳招日
月相期盡山川獨去遙府樓明蜀雪關磧轉胡
鵬縱有烟塵動應隨上策銷

蠙字象文唐末登第尉櫟陽避亂入蜀爲金堂令
徐后遊大慈寺見壁間題云墻頭細雨垂纖草
水面回風聚落花問寺僧僧以蠙對乃賜霞光
牋令寫詩以進蠙進二百首衍善之特召爲知
制誥宋光嗣以蠙輕忽傲物遂止卒於官蠙生
穎秀幼有單于臺詩曰白日地中出黃河天外
來爲世所稱

鄭谷

唐詩紀事 五 漢世隆
殘月如新月云榮落何相似初終却一般猶疑和
夕照誰信墜朝寒水國光華別詩情比象難佳
人應誤拜棲鳥返求安屈指期輪滿何心請影
殘更樓清賞處吟徹曙鍾看谷自序云勿受知
於李公明馬博士戴求試春闈故薛許昌能李
建州頻不以晚輩見待遊舉場十六年著述千
餘首乾寧初上幸三峰朝謁多暇止雲臺道舍
遂拾墜補遺成三百首目爲雲臺編

谷字若愚袁州人故永州刺史之子幼年司空圖
與刺史同院見而竒之曰曾吟丈丈詩否曰吟
得莫有病否曰丈丈曲江晚望斷篇云村南斜
日閑迴首一對鴛鴦落渡頭卽深意矣司空歎
惜撫背曰當爲一代風騷主乾寧中爲都官郎
中卒於家谷自叙云故許昌薛尚書能爲都官
郎中後數年建州李員外頻自憲府拜都官員
外皆一時騷雅宗師都官之曹振盛於此余早

受知今忝此官復是正秩何以相繼前賢耶

谷詠雪詩云亂飄僧舍茶烟濕密灑歌樓酒力微
江上晚來堪畫處漁翁披得一簑歸有段贊善
者善畫因採其詩意寫之成圖曲盡瀟灑之意
持以贈谷谷爲寄詩謝云贊善賢相後家藏名
畫多留心於素繪得意在烟波屬興同吟詠功
成更琢磨愛余風雪句幽絕寫漁簑

濃淡方春滿蜀鄉半隨風雨斷人腸浣花溪上堪

惆悵子美無情爲發揚谷蜀中海棠詩也

相看臨遠水獨自上孤舟句潮來無別浦木落見

他山句情多最恨花無語愁破方知酒有權句

關東多事日天末未歸心句掩卷斜陽裏看山

落木中句雨浙尋山徧孤舟帶鶴歸句長安一

夜殘春雨右省三年老拾遺句班趨黃道急殿

揖紫宸深句已上皆各詩警句

題杭州樟亭云故國江天外登臨返照間潮平無

別浦木落見他山沙鳥晴飛遠漁人夜唱閑歲
窮歸未得心逐片帆還

感興云禾黍不陽豔競栽桃李春翻令力耕者半
作賣花人

曲江春草云花落江堤簇晚烟雨餘江色遠相連
香輪莫輾青青破留與遊人一醉眠

十日菊云節去蜂愁蝶不知曉庭還繞折殘枝自
緣今日人心別未必秋香一夜衰

石城云石城昔爲莫愁鄉莫愁魂散石城荒江人
依舊棹舴艋江岸還飛雙鴛鴦帆去帆來風浩
渺花開花謝春悲涼烟濃草遠望不盡千古漢
陽閑夕陽

卷末偶題云一卷疎蕪一百篇名成未敢便忘筌
何如海日生殘夜一句能令萬古傳

谷不喜高仲武間氣集而喜殷璠河岳英靈集嘗
有詩云殷璠鑒裁英靈集頗覺同才得旨深何

唐詩紀事 八
事後來高仲武品題間氣未公心

仲武璠二集皆品題唐人

詩

溫憲

溫憲員外廷筠子也僖昭之間就試於有司值鄭相廷昌掌邦貢也以其父文多刺時復傲毀朝士抑而不錄既不第遂題一絕於崇慶寺壁後榮陽公登大用因國忌行香見之惘然動容暮歸宅已除趙崇知舉即召之謂曰某頃主文衡

以溫憲廷筠之子深怒嫉之今日見一絕令人惻然幸勿遺也於是成名詩曰十口溝隍待一身半年千里絕音塵鬢毛如雪心如死猶作長安下第人

杏花詩云團雪止存稍江明映碧寥店香風起夜村白雨休朝靜落頰沾蒂繁開正蔽條澹然閑賞翫無以破妖韶

憲光啓中爲山南從事李巨川草薦表盛述先人

唐詩紀事 九
之屈曰蛾眉先姬明妃爲去國之人猿臂自傷
李廣乃不侯之將温終於山南從事

李昌符

送琴客詩云楚客抱離思蜀琴留恨聲坐來看月
落聽久覺秋生夜靜騷人語天高別鶴鳴因君
興一歎竟夕亦難平

秋晚歸故居云馬首曾行處連嘶渡晚河忽驚鄉
樹出漸識路人多細徑穿禾黍頽垣壓薜蘿乍

歸猶似客隣叟亦相過

傷春云酒醒鄉關遠迢迢聽漏終曙分林影外春
盡雨聲中鳥思江村路花殘野岸風十年成底
事羸馬倦西東

鄭谷寄膳部李郎中昌符詩云鄠郊陪野步早歲
偶因詩自後吟新句長愁減舊知靜燈微落燼
寒硯旋生澌夜夜冥搜苦那能鬢不衰

昌符字巖夢登咸通四年進士第歷尚書郎

唐詩紀事 十
塞上行云莽蒼蘆關北孤城帳幕多客軍甘入陣
老將望迴戈樹盡禽棲草水堅路在河汾陽尋
下世羌虜肯先和

北夢瑣言云咸通中前進士李昌符有詩名久不
登第常歲卷軸怠於裝修因出一奇乃作婢僕
詩五十首於公卿間行之其間有詩云春娘愛
上酒家樓不怕歸遲總不憂推道那家娘子卧
且留教住待梳頭又云不論秋菊與春花箇箇

能噉空肚茶無事莫教頻入庫一名閑物要些
些諸篇皆中婢僕之諱泐旬京城盛傳是年登
第與夫桃杖虛靴事雖不同用奇卽無異也

王穀

暑日題道傍樹云火輪迸焰燒長空浮埃撲面愁
濛濛羸童走馬喘不進忽逢碧樹含清風清風
留我移時住滿地濃陰懶前去却歎人無及物
功不似團團道傍樹

唐詩紀事 十一
鴻門譙云寰海沸兮爭戰苦風雲愁兮會龍虎四
百年漢欲開基項莊一劍何虛舞殊不知人心
去暴秦天意歸明主項王足底踏漢土席上相
看渾未悟

韞字虛中宜春人登乾寧進士第有玉樹曲云陳
宮內宴明朝日玉樹新粧逞嬌逸三閣霞明天
上開靈鼉振搯神仙出天花數朶風吹綻對舞
輕盈瑞香散金管銀絃旖旎隨霓旌玉珮參差

轉壁月夜滿樓風輕蓮舌泠泠詞調新當行狎
客盡持祿直諫犯顏無一人歌舞未終樂未闕
晉王劍上粘腥血君臣猶在醉鄉中一面已無
陳日月聖唐御宇三百祀濮上桑間宜禁止請
停此曲歸正聲願將雅樂調元氣

韞未及第時輕忽被人毆擊揚聲曰莫無禮吾便
是君臣猶在醉鄉中一面已無陳日月毆者歛
衽慙謝而退

韋唐末爲尚書郎中致仕

韋始與崔胤同在庠序相善將赴舉胤餞之有日者在坐曰待此郎爲相乃登第二十年胤爲相韋遂登第

李山甫

咸通中數舉進士被黜依魏博樂彥楨幕府內樂禍且怨中朝大臣導彥楨子從訓伏兵殺王鐸劫其家嘗有詩云勸君莫用誇頭角夢裏輸贏

總未真譏執政也巢寇之亂翰林待詔王遨者北遊在鄴山甫遇於道觀謂曰幽蘭綠水可得聞乎遨應命奏之曲終潛然曰憶在咸通玉亭秋夜供奉至尊不意流離至此也山甫賦詩曰幽蘭綠水耿清音歎惜先生枉用心世上幾時曾好古人前何必獨霑襟句未成山甫亦自黯然悲其不遇也

貧女云平生不識綺羅裳閑把荆簪益自傷鏡裏

祇應諳素貌人間多是重紅粧當年未嫁還憂
老終日求媒卽道狂兩意定知無處說暗垂珠
淚滴蠶筐

贈處士琴云情知此事少知音自是先生枉用心
世上幾時曾好古人間何必更沾襟致身不似
笙簧巧悅耳寧知鄭衛淫三尺焦桐七條線子
期師曠兩沉沉

國初高英秀者與贊寧爲詩友辨捷滑稽嘗譏古
人詩病云山甫覽漢史王莽弄來曾半破曹公
將去便平沉是破船詩李群玉詠鷓鴣方穿詰
曲崎嶇路又聽鈞軋格傑聲是梵語詩羅隱曰
雲中雞犬劉安過月裏笙歌煬帝歸是見鬼詩
杜荀鶴今日偶題題似着不知題後更誰題此
衛子詩也不然安有四蹄

伊璠

璠及第後寄梁燭處士云繡轂尋芳許史家獨將

羈思遠江沙十年辛苦一枝桂二月艷陽千樹
花鵬化四冥歸碧落鶴棲三島接青霞同袍不
得同遊翫吟對春風日又斜
璠登咸通四年進士第曾爲涇陽令至黃巢亂璠
陷寇屢脫命於刃下其後逃避與其家相失夜
至藍關猛獸搏而食之

鍾離權

邢州開元寺有唐鍾離權處士二詩其一云得道

高僧不易逢幾時歸去願相從自言任處連滄
海別是蓬萊第一峯其一云莫厭追歡笑語頻
尋思離亂好傷神閑來屈指從頭數得見清平
有幾人

唐詩紀事卷第七十





